



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2010. GODINU **STRANKE DIJASPORE BOSNE I HERCEGOVINE**

Broj: 03-07-6-452/11  
Sarajevo, 30. mart 2012. godine

## SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI.....	5

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Stranke dijaspore Bosne i Hercegovine za 2010. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Na osnovu našeg pregleda, odnosno kontrole finansijskog izvještaja, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Stranke dijaspore Bosne i Hercegovine za 2010. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka dijaspore Bosne i Hercegovine iskazala je ukupne prihode u iznosu od 5.453,00 KM<sup>1</sup>, čija struktura je data u sljedećoj tabeli:

<b>Red. br.</b>	<b>Vrsta prihoda</b>	<b>Iznos u KM</b>	<b>Učešće u Uk.prih. %</b>
1	Članarina	984,00	18,05%
2	Prilozi fizičkih lica	4.469,00	81,95%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	0,00	0,00%
	Ostali prihodi	0,00	0,00%
	<b>Ukupni prihodi:</b>	<b>5.453,00</b>	<b>100,00%</b>

U godišnjem finansijskom izvještaju stranka je iskazala ukupne rashode u iznosu od 6.423,60 KM.

## 2. PREDSTAVLJANJE POLITIČKE STRANKE

Naziv političke stranke: Stranka dijaspore Bosne i Hercegovine. Skraćeni naziv stranke je SDBiH.

Stranka dijaspore Bosne i Hercegovine registrovana je dana 10.03.2010. godine u Općinskom sudu u Sarajevu, pod brojem F1-36/09.

Sjedište političke stranke je u Sarajevu, Hakije Turajlića br. 21.

Lice ovlašteno za zastupanje stranke je Edin Osmančević, predsjednik stranke<sup>2</sup>.

<sup>1</sup> Podaci iz obrasca 3 (ukupno prihodi političke stranke) godišnjeg finansijskog izvještaja za 2010. godinu, koji je dostavljen dana 27.03.2012. godine.

<sup>2</sup> Dana 22.03.2012. godine, Stranka dijaspore Bosne i Hercegovine je dostavila Centralnoj izbornoj komisiji Bosne i Hercegovine Odluku o izboru Rukovodstva stranke od 17.03.2012. godine, u kojoj je navedeno da je predsjednik Stranke dijaspore Bosne i Hercegovine Edin Osmančević, kao i da je novo sjedište stranke Hakije Turajlića br. 21. Takođe, stranka je u ispravljenom obrascu 1 (opšti podaci o političkoj stranci) godišnjeg finansijskog izvještaja za 2010. godinu navela da je lice ovlašteno za zastupanje političke stranke Edin Osmančević, odnosno sjedište stranke Hakije Turajlića br. 21. Prema podacima kojim raspolaže Služba za reviziju, do 17.03.2012. godine stranku je zastupao Smail Jonuz, predsjednik, odnosno sjedište stranke bilo je u ul. Bosanskih gazija 35/4.

Lice ovlašteno za podnošenje finansijskih izvještaja za 2010. godinu je Zijo Šantic.

Prema podacima iz godišnjeg finansijskog izvještaja za 2010. godinu, Stranka dijaspore Bosne i Hercegovine nema niže nivoe organizovanja (entitetske, kantonalne, općinske).

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Stranke dijaspore Bosne i Hercegovine za 2010. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Stranke dijaspore Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### **4. PRETHODNE KONTROLE I REVIZIJE**

Pregled i kontrola se obavlja prvi put.

### **5. NALAZI**

Nakon što je stranka dostavila ispravljene obrasce godišnjeg finansijskog izvještaja za 2010. godinu, nije utvrđeno ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

#### **KOMENTAR:**

U ostavljenom roku, Stranka dijaspore Bosne i Hercegovine je dostavila odgovor na Preliminarni izvještaj o pregledu godišnjeg finansijskog izvještaja za 2010. godinu. Uz odgovor, stranka je dostavila ispravljene obrasce godišnjeg finansijskog izvještaja za 2010. godinu, čime je dobrovoljno otklonila nedostatke u finansijskom izvještaju za 2010. godinu, odnosno postupila u skladu sa preporukama datim u Preliminarnom izvještaju o pregledu godišnjeg finansijskog izvještaja za 2010. godinu.

Mr. Hasida Gušić, šef Službe za reviziju

Sanja Čabrilo, revizor